

禁也臣等請勅法司行各恤刑官凡矜疑辨奏重囚止許  
撥原招詳奏不得任意具稿致背初招果有招情文致眾  
質稱冤罪可矜疑事應辨問者亦必先敘原招後加參語  
事體既安冤抑亦伸該部議覆之先須備照抄內有名人  
犯除原詳在部外其餘在都察院者移文逐一弔查果無  
翻易方擬允覆一有改招故出情弊卽遵照先朝事例從  
重叅處不復少貸庶允駁皆當刑宥無私欺弊不容法典  
常正矣

按志中詩文非有關於地理文獻者不錄以縣人著述  
甚夥若一概登之將不勝其錄也張君一代名臣所著

大荔縣志卷二 文徵

四

古今體詩卓然成家而未經付刊其文稿久已散失僅  
存此二篇若不錄入志中恐久之一斑亦難窺矣故破  
例載之

大荔縣志足徵錄卷三

詩徵

幸同州過故宅

北周明帝

玉燭調秋氣金輿歷舊宮還如過白水更似入新豐霜潭  
漬晚菊寒井落疎桐舉杯延故老令聞歌大風

同州還

庾信

赤岸繞新村青城臨綺門范睢新入相穰侯始出蕃上林  
催獵響河橋爭渡喧竄雉飛橫澗藏狐入斷原將軍高宴  
晚來過青竹園

經沙苑

唐李賀

大荔縣志卷三 詩徵

一

野水泛長瀾官牙開小菑無人柳自春草沾鴛鴦暖晴嘶  
卧沙馬老去悲蹄展今春還不歸塞嚶折翅鴈

同州旱災自咎貽七縣宰

元稹

吾聞上帝心降命明且仁臣稹苟有罪胡不災我身胡爲  
早一州禍此千萬人一旱猶可忍其旱亦已頻臘雪不滿  
地膏雨不降春惻惻詔書下半減麥與緡半租豈不薄尙  
竭力與筋竭力不敢憚慚戴天子恩纍纍婦拜姑啍啍翁  
語孫禾黍日夜長足得盈我囷還填折粟稅酬償貫麥隣  
苟無公私責飲水不爲貧歡言未盈口旱氣已再振六月  
天不雨秋孟亦旣旬區區昧陋積禱祝非不勤日馳衰白

顏再拜泥甲鱗歸來重思忖願告諸邑君以彼天道遠豈  
如人事親團團囹圄中無乃冤不申擾擾倉廩內無乃姦  
有因軋軋輸送車無乃使不倫遙遙負擔卒無乃役不均  
今年無大麥計與珠玉濱村胥與里吏無乃求取繁符下  
斂錢急值官因酒噴誅求與撻罰無乃不遑巡生小下里  
住不曾州縣門訴詞千萬恨無乃不得聞強豪富酒肉窮  
獨無芻薪俱由案牘吏無乃移禍屯官分市井戶迭配水  
陸珍未蒙所償直無乃不敢言有一於此事安可尤蒼冥  
借使漏刑憲得不虞鬼神自顧頑滯牧坐貽災疹臻上羞  
朝廷寄下媿問里民豈無神明宰爲我同苦辛共布慈惠

大荔縣志卷三

詩徵

二

語慰此衡客塵

沙苑

鄭谷

茫茫信馬行不似近都城苑吏猶迷路江人莫問程聚來  
千嶂出落去一川平日暮客心速愁聞雁數聲

同州冬日陪吳常侍閒宴

馬戴

中天白雲散集客郡齋時陶性聊飛翫看山忽罷棋雪花  
凝始散木葉脫無遺靜理良多暇招邀愜所思

同州秋夕

明路世美

夜雨綿綿滴行臺清且涼幽情無以適晏息主人牀蝸跡  
餘虛壁苔痕侵屋梁不須嗟寂寞及見楂梨香

卜居金塔寺

路世美

去國豈王粲幽情寄素琴蓮花紛在眼鶴板竟無心蘭若  
經聲近客窻夜雨深風塵頻顧盼感動一沉吟

和王子沙苑弔古二首

馬自強

白沙如白水杜老爲傳芳陵谷迷奇跡蘼蕪漫夕陽柳殘  
寧識魏苑廢不知唐欲問牧羊者誰爲穀與臧

沙阜來天地夾流涓洛分推移猶浪跡起伏故龍紋秋老  
凋芳樹羣空斷錦雲惟餘蒺藜子滿野白紛紛

慈仁寺松下別張仙人

馬自強

有美西方客荷衣薜荔帶杖策出函關悠然躡嵩泰北來

大荔縣志卷三

詩徵

三

謁帝京因之賦都會帝京據上游形勝眞爲最登茲黃金  
臺益覺乾坤大子長探禹穴白也客梁蔡雄詞耀寰宇曠  
覽發英槩看君八極心馭風行未艾扳留過梵宇瀟灑軼  
埃墟赤日照高林虬幹撐青蓋依樹僧童清隔葉鳥聲噦  
綠樽聊共論忻然麗澤兌聞君榆樓吟四座生靈籟淡雲  
掩夕暉疎雨灑征旆佳境不可留相送愁無奈君去懷故  
鄉余亦思鱸膾唐苑曲江頭漢殿青門外種瓜應有田垂  
弔豈無瀨千里結綢繆百年餘感慨行矣萬古名良圖永  
不昧

送張廉甫之陽武

馬自強

憐君標格迥時髦况復承家贍綵毫百里未應舒驥足三  
川聊爾試牛刀范公攬轡聲猶在乃尊曾為河宓子彈琴  
南按察使調自高拜命會逢賢路關政成當不負殊遭

送張甥國采令榮陽

馬自強

鳳鳴當日擬雞割此相勞河柳迎征蓋隄駕遠佩刀澤隨  
雙鳥遠輝動列星高振翮期霄漢棘棲愛羽毛

余姊今年七十有一矣昨歲里中諸親為古稀之賀

余不及詩茲仲子張甥國采拜令榮陽且迎養至

也詩以壽之二十二韻

馬自強

金母來西極銀輝照北堂書隨修羽近歌逐彩雲長駕鹿

大荔縣志卷三 詩徵

四

身常健九熊志已償庭闈開畫錦滄澗藉恩光憶昨丙子

歲春正廿一良九華佗綠萼七裘景青陽盤薦瓊英液筵

當玉女鄉填門賓雜沓繞棟樂鏗鏘嗟我前年夏起家再

北翔薄遊依日月遠別阻巖廊進履知豚輩升堂款鴈行

毛生今捧檄闕頌正如岡不但潘輿穩猶兼曾釜香問平

知內德却寄想前芳竹帛真堪紀冰霜信可方垂帷無飾

珮題杜有仙郎鶴髮仍清勝龍章詎杳茫低徊思夙昔感

激重徬徨抱弟讀曾聽先姑禮未將惟余誠懶慢忻姊屬

康強遐祝深川岳微言代篚篚倘隨雙鳥入還獻九霞觴

輓馬文莊公

張養蒙

元氣還光岳昌時逝宰臣華夷同墮淚朝野盡沾巾一代

蒼生望百年社稷身生當名世會起佐太平春恭默商求

說明昭姬降申傳經魁第一對策冠羣倫秘府圖書富木

天討論真從容陪法駕敢沃禱楓宸薦士收奇寶作人出

巨珍雄文炳史局雅範佩成均銓部持衡正春卿典禮寅

皇心方懋學善道資敷陳引翼青宮舊匡襄丹展新黃扉

司獻納紫閣掌絲綸調燮乾坤泰交孚魚水親金甌完八

極玉燭耀三辰周召隆師保夔龍表縉紳岡陵培國祚壽

愷域蒸民詎意龍蛟變倏承天地屯臨朝躬震悼賻葬特

恩頒優渥殊韋錫駢蕃加異論大官供祀品部使護靈輶

大荔縣志卷三 詩徵

五

龍耳封欽命牛眠兆詰人芬芳蘭接桂祥瑞鳳偕麟虎拜

他年寵烏啼此日辛晚愚叨誨迺哀輓倍傷精神魄凝星

日輝光照藻蘋斗山千載後應為重關秦

輓馬文莊公

張守訓

鑾臺鳳閣寵方優璫露歌成萬古憂期月未伸尼父志憂

時空負賈生籌墨莊山積芝蘭郁學海波乾桃李愁落日

佳城瞻鬱鬱春風和淚灑松楸

輓馬文莊公

董惟康

午夜文星暗上台温公箕去使人哀玉樓應試潮陽筆金

鼎疇調傳野梅嗚咽河流空涕淚蕭條沙阜轉傷催九泉

贏得皇恩注丹誥輝煌照夜臺

不二歌

張春

一真樞變化乾坤立主張幻形誰不沒問誰無盡藏靜極  
還復動一陰而一陽源同流乃異邪曲與忠良如此日在  
天光明照八荒心在人之內丹誠那可忘天地惟得一清  
寧終久長王侯惟得一首出孚萬邦卓彼待字女從一無  
寒裳之死矢靡他苦節傲冰霜風疾草自勁歲寒松愈昂  
委贄許致身臨敵無迴腸電火焚大槐有忙有不忙求死  
不得死身命輕前嫌生匪是偷生苦衷質上蒼始終籌畫  
者深愧郭汾陽萬或得一當不愧文天祥君父之所在焚

大荔縣志卷三

詩徵

六

叩西南方富貴不可淫威武甘錕湯既名丈夫子詎肯淪  
三綱千秋有定案遺臭與傳芳剛巡為激烈幽武緣不降  
援古以證今讀茲書一場忠孝字不識萬卷總荒唐俯仰  
能不愧至大而至剛誰謂馬無角安得羝生羊我作不二  
歌小變有大常

讀張景和不二歌

國朝左懋泰

天市之傍玉華宮曾棲元時文信公公非信國非睢陽其  
人雖異其事同地緯左轉經理蹙隴水烈烈飛蒼龍青天  
氣數有消息龍蹇虎卧荆棘中遭穉每坐必西向百折不  
肯移向東狂呼時犯豐隆怒仰天大唾霧噴濛蘸血自作

不二歌舌如橋鉗氣光風及今朗誦百千遍黑夜咫尺神  
明通盥手再拜公當至誰能拱揖見穹窿

沙苑

許孫荃

百里周垣抱曲堤青青豐草映回谿不知天廡今何處惟  
見春風長蒺藜

金塔寺

張正瑗

獨騎羸馬訪唐碑文字光芒兩擅奇細雨秋山金塔寺無  
人知是我來時

經沙苑

金玉堂

渭洛中分漲白沙魏宮唐苑極時奢夕陽惟見牛羊牧野

大荔縣志卷三

詩徵

七

樹干章夾岸斜

蘇村瓜

張奎祥

蘇村瓜大如斗一瓜粟數升十瓜錢盈在畝可數百及千  
瓜勝種麥豆葱與韭年豐人情不知愁削瓜如雲又嗜酒  
瓜不可為餐酒醒腹何有易米歸作炊一家還聚首旱澇  
無常年雜植均之莠昔惟夫與婦今已十餘口種粟宜臧  
少種瓜酒為枵蠹君知否

登蓮峰禱雨立應紀事

時乾隆三年三月二十七日也張奎祥

蓮花五千似貼天上有玉井與海連雲朵雨片萃為嶽散  
之頃刻盈百川昌黎痛哭在叫絕圖南大睡空寂滅浪蕩

只解夢神仙豈識靈祇爲民切吏致罰兮禾就稿民則何  
辜怒如擣徬徨疾走計何之誤冊洗心向嶽禱秦時無復  
鈞連梯豎者其峰拄者溪入幢昏黑蛟螭窟穿峽踏鑽天  
光低犁溝獲絕碣徑尺曳踵孤崖顧諟此蒼龍擗嶺罡風  
吹匍伏騎行越神理天地交接中脫茫人神界斷無住著  
踏穴翻度信凌空鬼斧神工喜穿鑿雷霆風雨司帝所帝  
念我民式臨汝謁帝金天隔世間屏息微聞帝我許矚目  
萬里無纖翳薄夏空明淨如霽驀地峰頭黑片雲霹靂一  
聲來自帝從官促我歸莫遲片雲頃作鱗之而比日揮汗  
氣鬱蒸譁言歸路雨當隨歸路方知天驅魁猛然驚覺心

大荔縣志卷三 詩徵

八

魂脫覆崖欲墮不需時壑深萬丈欺人活魂癡目眩惟餘  
體更僕相持轉相遞仰面倒作尺躡行一屈一伸踵接髀  
翻身捫壁下高壘爪壁攜身氣愈餒左承右接信旁人僵  
仆形骸肖傀儡來時何勇歸何怯履薄臨深素所懼我民  
疾苦帝已聞重負方弛轉業業行來峪口喘甫息山外風  
號響日昃薄暮二華盡冥冥釀得神膏滿馮翊民曰太守  
守不有神效職兮由我

后我

后省歲迂天庥華封之祝天長久昔傳藥師入龍宮代龍  
行雨滿虛空此番誰爲施鱗甲帶雨歸飛迅御風舉頭包

括青一氣帝座真可呼吸通下山常念上山時天命民命  
無異同

和杜工部沙苑行

張奎祥

君不見沙苑黃如黃河水風堆雨浪無墟里東西兩魏爭  
蒲津黑蠟黃螳戰於此人植一樹紀戰功樹老無枝恨不  
死却恨唐室留花門種遺其地雜北鄙又置牧監圈作藩  
牧馬三萬數百屯吳門匹練何足數獨推天馬玉花尊滾  
沙卧積無青草近郊應少禾麥存沙磧礪確非沃壤又踐  
踏之寧堪論今以還民見烟突阡陌成行可越度瓊花燦  
燦王母園珠果纍纍鮫人窟瓜熟子母五色勻牽車負擔

大荔縣志卷三 詩徵

九

集魚鱗太平沙亦霑

聖澤聚沙醞酒賽河神

再禱華嶽 有序

張奎祥

乾隆戊午夏偶早余攀險禮嶽宮兩立應庚申復  
禱亦應皆下山而隨之以至嶽之靈顯若此由  
聖德所感秦民之福厚也守土者其效勿敬因再紀之  
北闕邀天鑒西封動嶽神金仙分掌露玉液滿河津險厯  
三峰熟恩霑十邑勻所求皆立應何以答蒼□

望華山

張奎祥

楚客愛山入性靈拄天蓮葉到門青擬將玉女添衡嶽不

遣黃河換洞庭盡日雲封神隱隱有時石削骨亭亭終南  
莫作同行看露雨雷風掌上經

登望嶽樓

張奎祥

高懸鐘鼓動春雷望氣頻登一楚材梯底有天曾踏破樓  
頭無地不撐開山隨蓮嶽從南出河下龍門自北來環眺  
十城禾黍遍

聖恩雨露感栽培

馮翊署中詠蘭呈家太守

張棧

喜與幽芳近寧知案牘勞七絃揮太古九畹佩秋騷擇綠  
操何潔收名價自高生來同在澧澨迨此神臯

大荔縣志卷三 詩敬

十

馮翊署望嶽

黎忠倓

雲開華嶽勢巍然聳拔秦關半壁天一掌高撐凝曉露三  
峰秀嶺靄晴烟懸崖松蔭千年鶴絕頂泉飛十丈蓮日坐  
衙齋看未足挹來青氣入新編

登同州郡樓

商有煌

古郡危樓在憑高望眼開一山當地出兩水接天來城堞  
平沙阜人烟失樹隈誰憐吟苦客獨作仲宣哀

廣成觀閣再題五律一首

商有煌

地曠邈茲閣諸峰落檻前平開三里霧斜入五陵烟石礎  
常含雨銅人不計年暫來揚廣袖何處更超然

同州懷古

商有輝

神雍分馮第一州九區撲地盡腴疇開旭日摩金塔雨  
吹輕烟暗白樓仙鶴已迴雲外獵石麟長卧苑邊秋只今  
遂有無窮恨嶽影河聲夜夜浮

沙苑

商有輝

日暮風斜故苑行銀沙碧樹可憐情千堆雲錦爭光地留  
與今時款段鳴

長市飛烟

游得宜

十里通衢接洛灘遙遙西望是長安客來指點金銀氣莫  
作張家霧市看

大荔縣志卷三 詩敬

十一

豐登閣文讌和韻

屠用中

六符輝井野八極拱薇垣馮翊風雲滿蓬萊錦繡繁雀鶴  
爭附鳳魚服儼成鯉蕩蕩趨周道洋洋躍禹門穿楊神忒  
旺採桂色逾蕃捧檄偏盈郡赴鹿鳴者二十人承筐兩占元乾坤

調玉燭河岳耀金尊高會豐登閣連茹戴

聖恩庚辰科再誌潼商屠守道開會因賦

三讌豐登閣聯句

李星曜

地叶文明宴屢開郡守李星曜斗杓北指春初回署司馬王政義兩經  
報最治道恢華州牧蔣文祚雲蒸霞蔚慶多才大荔令張炳熊倚華踐河  
氣佳哉朝邑令王政義碧桃綺李手親栽韓城令得逢盛事屢追

陪梁善良鄧陽令顧我重來每低徊登城令十年樹木感滋培蒲城

令與天荒破得掄高魁華陰令文章韜略遠近推李水登

鄉舉里選無棄材郝鵬鵬坊鵲薦歸來傾玉壘王珣舞筵

歌袖上層臺華州學如雲冠蓋次第來華州訓導鴻軒鳳

舉羽毳毼大荔教諭風雲變化禹門雷朝邑教諭三千水

擊振波顏朝邑訓導問誰點額還暴腮韓城教諭一時恍

惚會蓬萊韓城訓導馳騁驃騎坐鄒枚鄒陽教諭勲業於茲

孕根芴鄧陽訓導熊軾欣看衆妙該澄城教諭品題賞鑒真化

裁澄城訓導屬飲傳飛鸚鵡杯蒲城教諭賚子積成錦繡

堆蒲城訓導更學雲箋拂硯埃華陰教諭為徵故事寫麝

大荔縣志卷三 詩敬

十三

煤華陰訓導金聲始震句千鎚白水訓導相期對酒吐奇瑰

郡守李星曜同州留贈方郡守載豫三首 陸元鎡

白髮故人盡惟君風貌存剪燈消客夜流涕問師門君為

丙午分校所得士墓草悲寒食楹書付後昆自慙歐叔弼欲語已

聲吞

不作諸侯客曾趨大將臺由來棄繻者真有勒銘才馬骨

行邊健旄頭應鏞摧潼關開四扇記唱凱歌回君以軍功

老我貧猶病依人倦更遊劉楨時伏枕玉粲憤登樓寄遠

憑黃耳耽吟到白頭與君期後會夜雨話巴州

同州書院曉起

嶽色落窻几微風開曉晴嶺雲含石氣庭鳥作春聲艾乏  
三年蓄輪期四角生故鄉好山水昨夜夢經行

按此卷取諸舊志者多其太不工者汰之其不甚工而  
足以徵人徵事者錄之備一邑之掌故原非操選政也

大荔縣志卷三 詩敬

十三

大荔縣志足徵錄卷四

異徵

州志隋文帝微時夢人易其腦骨覺後常腦痛遇一異僧令食茶遂愈

朝野僉載隋文帝時大宛獻千里馬號曰獅子驄隋末不知所在唐文皇敕訪之同州刺史宇文士及得於朝邑麴家挽磴驥尾焦禿皮肉穿穴及見之悲泣帝自出長樂坡馬到新豐向西鳴躍帝甚喜伺以鍾乳仍生五駒皆千里足也

鴻書狄梁公精於鍼法官同州刺史車至塞帷見一巨室

大荔縣志卷四 異徵

一

書榜於門以富翁一子頭生瘡癩瘻甚幾危醫者莫知措手公呼病癯者至車前手取金鍼從腦後鍼之癯應手而瘳富室饋絹二百疋酬公公悉以資民之貧獨者

唐新語崔希高轉馮翊令時有雲氣如蓋當其廳事須臾五色雜錯徧於州郭

冊府元龜李預居長安每羨古人食玉法乃採訪藍田躬往攻掘得若環璧雜器形者大小百餘枚得黑鹿便篋盛以還皆光潤可玩預乃椎七十枚為屑日服食之馮翊公源懷等得其玉琢為器佩鮮明可寶

酉陽雜俎同州司馬裴沆往鄭有老人白衣曳杖至裴覺

非常人隨行數里至一莊裴渴甚求茗老人指一龕云中  
有少漿可就取裴視龕中有杏核一扇如笠滿中有漿漿  
色正白乃力舉飲之不復饑渴漿味如杏酪裴知隱者拜  
請為奴僕老人曰君有世間微祿縱住亦不終其志

太平廣記馮翊嚴生嘗遊峴山得一物狀若彈丸色黑而  
大有光視之潔徹若輕冰後遊長安於春明門逢一胡人  
言衣囊中有奇寶願得一見生以示胡人捧之喜願以三  
十萬為價曰此吾國清水珠置於濁水冷然洞徹自亡此  
寶吾國井泉盡濁國人俱病故越海踰山來中夏求之卽  
命注濁水於在以珠投之俄而澹然清瑩纖毫可辨生以

大荔縣志卷四 異徵

二

珠與胡獲價而去

五代梁劉知俊鎮州日因築營墻掘得一物重八十餘斤  
狀若油囊召幕賓將校問之或曰地囊或曰飛廉或曰金  
神七煞獨留源曰此冤氣所結古固圉之地有焉王世充  
修河南府獄亦獲此物遠祖記之此物經百萬年凝結不  
散源聞酒能忘憂請奠以醇醪或可消釋耳然此非吉徵  
也知俊命具酒饌祝酌復瘞之尋有背梁奔秦之事

夷堅志載宋時州有白蛇為害知者皆不敢出守政和間  
有宰相壻某必欲得之到官三日張樂會僚忽視娼皆白  
衣怪而問之家人知中妖騎報相君白徽宗詔虛靜張天

師來治問得蛇所擇日去穴三里結高壇作法飛符良久風雲勃興雷電四起青氛黑霧蔽滿山谷俄白氣滂於天際火從穴發漸及壇畔有大蛇至矯首引身繞下四五匝遂飛劍殺之已又斬如柱楹者二十許餘以符驅之境外國史補陸象先爲同州刺史有家僮遇參軍不下馬參軍欲賈其事鞭背見血曰卑吏犯公請去充公謂曰奴見官人不下馬打也得不得官人打了去也得不去也得參軍不測而退

乾隰子馮翊之東窟谷有隱士趙存者自云父諱君乘嘗事充公陸象先言充公之量非可測度爲馮翊太守小軍

大荔縣志卷四 異徵

三

等多名族子弟以象先性仁厚於是與府寮共約戲賭一人曰我能旋笏於廳前硬努眼睚衡揖使君唱喏而出其人便爲之象先視之如不見又一參軍曰吾能於使君廳前墨塗其面著碧衫子作神舞一曲慢趨而出羣寮皆曰不可其二參軍便爲之象先亦如不見其第三參軍又曰吾能於使君廳前作女人梳粧學新涼女拜舅姑四拜則如之何衆曰不可其第三參軍遂施粉黛高髻笄釵女人衣疾入深拜四拜象先又不以爲怪弟景融大怒曰家兄爲三輔刺史今乃爲天下笑具象先徐語景融曰是渠參軍兒等笑具我豈爲笑哉

老學庵筆記華州以華山得名城中乃不見華山而同州見之故華人每曰世間多少不平事却被同州看華山張芸叟守同嘗用此語云我到左馮今一月何曾得見好孱顏蓋同州亦登高乃見之爾

州志金天會戊申有紅巾十萬攻城危急忽大兵至破賊統兵烏魯大王勸兵同州界八魚井見老翁馳白馬汗如流詣軍門告急莫知爲誰忽有人曰城隍廟塑馬迄今有汗

元怪錄至德中有調選同州督郵者姓崔忘其名出春明門見一青袍人乘馬出因相揖偕行徐問何官青袍云新

大荔縣志卷四 異徵

四

授同州督郵崔云某新授此官君豈誤乎青袍笑而不答去同州數十里至斜路中有官吏拜迎青袍謂崔曰君爲陽道錄事我爲陰道錄事路從此別豈不相送耶崔異之卽與連轡入斜路遂至一署青袍至廳與崔同坐通胥徒僧道等訖次通詞訟獄囚崔大驚謂青袍曰吾妻何得至是青袍卽避案後令崔與妻言妻云被追至此已數日崔卽祈求青袍因令吏促放崔妻崔請回青袍餞送崔至同州問妻云病七八日都不記陰道見崔言

元至正中高陽社陽村居民郭克讓感神託夢偕王柔李德等三人捐田一百五十餘畝供文昌宮常住今歸併城

隍廟有知州兼奧魯張翥立碑芝巖李直敏述峨帽把都書

嘉靖壬子馬文莊公率門人數輩卒業太華青柯坪一日有戲毆同舍生家人絕於洞上衆恒惑無措文莊禱於神夜見火光如籠燈冉冉從山腰入洞其人甦言白衣人令伊起其門人有盛少宰訥鄭運使札在焉師弟後多貴膺故不偶云又嘗於中秋登嶽頂眺賞稍携聲樂時天空月皎金鼓一作歎雷起震因遂罷樂蓋呼吸通帝座信不虛矣庚子鄉試監臨張公夢一麟自天降語藩臬曰異曰必有形圖麟閣者越日得馬文莊卷大奇之定元後果拜相

大荔縣志卷四 異徵

五

州有九龍廟止塑一如土人云馮瀛王之女也夏縣司馬才仲戲題詩云身既事十主女亦如九龍過客讀之者無不一笑

荔之中池窪忽邪爲崇呂曲民家子路懷舉薄暮見之奔家乃云一婦人從樹杪下被髮裸體相逐語竟氣絕父冤之投詞來訴竊思幽明理一陰道民社實惟邑城隍責矧神自設縣來理幽庇民厯已有驗爲牒禁除文焚而怪絕則既感神之靈如響答又愧菲德未克被惡未形也國朝順治己丑州耆王之階因母病赴城隍廟禱藥得籤一劑卽愈發願募修知州馬呈祥有碑爲之記

縣北東石曹村關帝廟乾隆癸巳九月二十七日夜有盜數人將蒲城客王永錫胡顯奇圍住危急之際忽見廟內燈燭輝煌兼有言語聲賊懼逃去客急入廟中燈火俱無二客驚感備言神靈如是

大村南有北極宮乾隆三年夏夜渭水忽暴漲村人酣眠不覺俄聞神廟鐘鼓齊鳴衆驚起視卽又寂然而水已將至村矣乃急堵之遂免於患至今香火不絕

縣西南橋渡安武二村舊有關帝廟創自宋眞宗時元明二代屢事重修國初遭流寇之亂相傳帝匹馬單刀顯跡呵護其圖繪於廟壁又村人裝帝像以銀爲喉乾隆某

大荔縣志卷四 異徵

六

年有偷兒挖取忽覩所謂周將軍者擊之遂終夜若迷竄廟中及明獲之此後靈異特甚遠近求籤者紛紛不絕村人於正二月望日賽神社鼓喧闐人烟輻輳蒲富臨渭人羣呼之爲南賽云

乾隆五十二三年府城東一遊民以木籠盛大虎一隻在縣城隍廟東邊隙地設布幔圍城之內外人蜂擁來觀斂錢無數後以私將小兒喂虎事發誅之

道光十五年八月二十三日城東鄉上太山頭有農人常逐之豹忽起撲人大鼎以撐撐入豹口村人來助立斃之

以皮作神座今尙存

明馬樸字敦若號閩風讀書時嘗與一道人結詩酒之歡自通籍後歷官至滇南臬憲仍往來如初問其姓名笑而不答後因酒醉強詢之道人噴飯盈案索絹拭之而去次日敦若展絹熟視乃道人自繪其形也脩眉長鬚科頭跣足而臂携芒鞋殊覺貌古神清超然有出塵之觀旁有七絕字作行草酷類張顛其詩云碧海青天寄此身此身不染世間塵欲知昨夜雲遊客卽是純陽呂洞賓上又有像讚云紫菊黃芽吾臭吾鄰清風明月吾侶吾友一聲長嘯三杯元酒妙合天機頓開塵紐挽青蛇碧海灘頭跨黃鶴

大荔縣志卷四

異徵

七

蒼梧路口若非得雲英師幾乎失仙姑祖邯鄲夢醒而紫霧藏迹苟非遇錦屏則鹿鶴難求敦若深爲詫異遂裝潢寶藏至今猶存

始余纂此書時籌備經費除開雕刷印外有固始蔣君脩脯並開局一切公用會 府憲李太尊纂修同州府志又分派數百金爲此延請紳士諭令各鄉勸捐不數月竟得二千金有奇余固嘉諸神之竭力辦公而富神之踴躍好義尤爲難得書成查得未經請旌節孝建立總坊用以慰貞魂而勵未俗均屬事關體要允堪名著簡冊爰將樂輸姓名銀數附諸卷末俾覽者知所景慕焉熊兆麟又識

計開

李繼淮

文銀肆伯兩

大荔縣志卷四

張希載

文銀貳伯兩

趙有魁

文銀貳伯兩

閻翊清

元銀貳伯兩

董雲程

元銀壹伯貳拾兩

杜志銓

文銀壹伯兩

白鶴立

文銀壹伯兩

張玉祥

文銀壹伯兩

蘭永祥

文銀捌拾兩

張志謙

文銀陸拾兩

張志道


文銀陸拾兩

高步清	錢壹佰貳拾仟文
劉思義	文銀伍拾貳兩玖錢柒分
朱寶晉	文銀伍拾兩
張星彩	文銀伍拾兩
張星浩	文銀伍拾兩
張星煒	文銀伍拾兩
張星輝	文銀伍拾兩
張星期	文銀伍拾兩
張星海	文銀伍拾兩
楊德元	文銀伍拾兩
大荔縣志卷四	
張義虎	錢壹佰仟文
穆全善	文銀伍拾兩
黃大鶴	文銀叁拾兩
朱大功	文銀叁拾兩
潘殿選	錢伍拾仟文
梁京友	文銀貳拾兩
焦廷琦	文銀貳拾兩
李文庚	元銀貳拾兩
吳璋	文銀貳拾兩
張增秀	錢叁拾仟文

張丕勳	文銀拾叁兩叁錢叁分
張丕文	文銀拾叁兩叁錢叁分
張銳	文銀拾叁兩叁錢叁分
潘輔清	文銀拾貳兩
張振鰲	元銀拾貳兩
大荔縣志卷四	

陝西同州府城文元堂劉繼伯  
刊刻共計板二百七十二塊





光緒大荔縣續志



(清)

周銘旂  
李志復  
纂修

本書十二卷首一卷，清光緒五年  
（一八七九）修，據清光緒十一年  
（一八八五）馮翊書院刻本影印。

續修大荔縣志官紳姓氏

纂修

記名錄用升任鄜州直隸州知州前任大荔縣知縣周銘旂 山東鄆州人 乙丑進士

續定

大荔縣知縣陳兆煥 福建長樂人 甲戌進士

參訂

光祿寺署正銜揀選知縣前任大荔縣教諭汪霽暉 南鄭人 甲辰舉人

前署大荔縣訓導李炳榮 長安人 廩貢生

大荔縣教諭郝濬相 渭南人 庚午舉人

大荔縣訓導虞孺慕 沔縣人 庚午舉人

大荔縣續志卷首

編校

光祿寺署正銜升用教諭前任整屋縣訓導廩生李志復

分輯

附 頁 生成錦堂

候選教諭 恩 貢 生員錫庚

續訂

藍翎候選郎中丙子舉人宋佑文

採訪

內閣中書銜褒城縣訓導戊午舉人李 坤

花翎三品頂戴分省題補知府增貢生張祿堂

候選守備 癸酉武舉蒙師恩

布政司照磨 銜關 鐸

指刻

候選 同 知趙心印

校字

附 生宋郊如

附 生員 森

候選 典 史宋京如

總梓

八 品 頂 戴王法齡

大荔縣續志卷首